

7
35. 129

QVÆSTIO MEDICA,
CARDINALITIIS DISPUTATIONIBVS
MANE DISCVTIENDA IN SCHOLIS MEDICORVM,
Die Iovis, x. x. Maii,
M. NICOLAO PIETRE,
DOCTORE MEDICO, MODERATORE.

An diebus Aëstis ferventissimis vinum glacie diluere innoxium?



OPTIMA est quadripartita anni distributio: illius pars altera habetur Aëstas, quæ fervore aëris & siccitate distinguitur: fervor ferè non constans est: quandoque vehementior incunte aëstate, quandoque provectâ mollior: sæpius ferventissimum Aëstatis tempus, est Hora Caniculæ: eo exorto sidere accensus aër, immoderato exardescit calore: nec ille esset ferendus ardor, ni hoc temporis intervallo, Etesiarum Aquilonum gratiore aurâ quodammodo leniretur: etiamnum tamen vehemens is est, ut interdum omnia, quodam quasi vredinis carbone exvrantur: incendii hujusce vim homo præcipuè persentit: tum illi conflagent viscera, exarsuant spiritus, humores, præ cæteris bilis fervida faciliè inflammatur, vnde tunc febres ardentissimæ vagantur periculosissimè, biliosâ sanie à venis, quæ attrahendi vi pollent singulari, fervido aëris calore exsiccatis, vndique attractâ.

AESTIVO Cælo hominis vis penè omnis concidit, halitu expirat vitæ & primigenius humor, caloris ætherei fomes: succus alibilis disperditur, vixque alius sufficitur affectû & penè prostratâ orexi, attamen tempestati consentaneâ: tum carnes, quæ alimentis optimi plurimum suppeditare possent, plerisque fastidiuntur. nauseamque movent: panis non adeo gratus est cibus: suaviora tùm habentur edulia, fugaces fructus omnes, cucumeres, melopepones, fungi, ancipiti eventu cibus, edules asparagi, helvellæ, & alia id genus terrâ nata, quæ succi bonitate non adeo præstant, vnde succrescit impuritas multa, semen futura Autumnalium morborum: ut cibus deterio: sed suavior, non semper sit probandus.

VINVM, vix viteq; succus, potu homini adeo gratum est, ut illius suavitate illectus, vnus animantium nullâ impulsus siti bibat: vini verò potum salutarem esse quis dubitat negatve? cùm id doceat vsus haud stolidus magister, confirmet ipsa ratio, vsûs norma & regula: sitim extinguit, nutrit, cordis labores subleuat, stomachi tædia discutit: vini frigidâ temperati præci-

pua laus est : temperamentum varium, optimum illud quod igneam vini vim prorsus reprimat. Porro frigida concreta, glacies est : eximum illius habetur frigus, propterea una est multis, vini generosissimi fervorem summum potissime temperat, atque utriusque mutuam perfusione, huius & illius exuperantiam ad moderationem quandam redactam, comparatur potus, Sirio ardore, suavissimus, & minimè nocivus : equè suavis & innoxia lenioris vini glacie diluti potio, eam temperie, ut utrumque superetur, neutrum superet : glacies verò ea adhibenda quæ purissima est, & ex aqua sit fluviali potabili, omnium saluberrima.

EPOTUS glacies vino temperata, refrigerandi vi qua pollet, vini tenuitate seu vehiculo deducta, & longè latèque diffusa, corpus univèrsum estivo cavitate quasi inflammatum, voluptate frigoris perfundit : unde estuans stomachus, sensus appetitus sedes, recreatur, unaque placatur sitis : ventriculus, & cetera, quæ apparant cibos, viscera accensa temperantur : Spiritus, humores ebullientes deservescunt : insitus cuique parti calor, & innatus humor, temperato hoc frigore conservatur, & utriusque inhibetur dissipatio : unde multò vegetior ille fit & huius substantia longè firmior, hinc ciborum maior appetentia, ventriculi validior concoctio, temperatior sanguis, solidius virium robur. Ut immeritò damnetur mensis glacies, cum non minimè iuvet, ope etiam Medica, neutiquam verò nocere possit.

ECQUÆ perniciès à glacie vino temperatè immixta, & æstu fervidissimo Epota, cum sincera deglutita, saviente etiam frigore, nil prorsus lædat : Hyeme, cum omnia sunt constricta gelu plerique gelidam pene congelatam liberaliùs bibunt, & incauti, nec opinantes glaciæ frustra devorant, nullo ventriculi damno, nullo caloris nativi dispendio : licet tum temporis calor non validior sit, nec illius substantia vberior : Hyeme gelascit panis, estur tamen innoxie : gelantur & cetera edulia, & nihilo deterior eorum succus : brassica commendatur glaciata, & eam, non excussa glacie saporantur in uscula : dum trudunt flumina glaciem, ex his hausta aqua carnes puerius incoquantur, nullo nocimento : non pauci bibunt illeça valetudine cisterninam aquam, quæ Hyeme de nive & glacie soluta colligitur : quinetiam, Medicis auctoribus, glaciata aquæ potu, Cordis palpitatio sedatur : deglutita sensim glacie, sanatur faucium inflammatio : comparatur ventriculo robur esu fructuum, qui iam temperie frigidi, nive glaciæve conspersi fuerint : malefica vis hircinis, quæ in præcordia subiit, devorata glacie eluditur. Et si gelu vitio, corrupta prorsus & depravata esset aqua, vino tamen aliove liquore medicata, illius potus cum sanis indole fervidiore, tum ægris calore malè affectis, foret salutaris : ecquid aliud acetum quàm vinum depravatum ? comeraco hausto quid nocentius ? attamen Medici consilio dilutum aqua, potus sit febricitantibus saluberrimus. Ita res est : Medicus rerum vitia emendat Arte sua : & Naturæ hominum salutis perstudiosè, emulus, unam hanc curam habet præcipuam, ut quæ extant omnia, etiam quæ venci speciem præ se ferunt, se dent, & cedant in humanæ salutis usum.

Ergo dielus æstatis ferventissimis vinum glacie diluere innoxium.

Proponebat Lutetiæ CLAUDIUS PERRAULT, Parisinus,
Anno R. S. H. M. DC. XXXIX.

*cette these est la 870^e. Du tome V in folio de
rennil in folio de la famille.*